



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Ivstitia Et Ivre Libri Decem, Reuerendi P. F. Dominici
Soto, Segobiensis, Ord. Præd. Theologi præclariss.**

Soto, Domingo de

Venetiis, 1608

2 Vtrum ne ratione temporis licitum sit cambij pretium.

urn:nbn:de:hbz:466:1-38878

Primū
corolla-
rium.

enim vniuersim potest pro pretio fieri. Et quo fit labores & reliqua omnia esse accidentia, quæ rei naturam quantum ad vsum labem non variant. Accidentarium inquam est, quod cum labore aut sine labore autem cum meo commodo aut incommodo vicibus meis fungar, siue pecuniam alibi numeratam habeant siue tantam fidem apud aliquem, qui pro me respondeat, dum tamen id pro te faciam quod est æstimabile pecunia. Nam in his industria plurimū

Secūdū.

valet. Sequitur deinde non solum illis, si qui essent per Republicam ad hoc munus conscripti, verum & quibuscumque priuatis cābium hoc iure naturæ permitti, nisi forte ciuili lege esset interdictum. Hoc inde patet, quod res ipsa genere suo est licita & pretio æstimabilis. Quin vtro nulli sunt per rempublicam ad hoc deputati, sed quibuscumque mercatoribus in vsum est hoc modo cambire. Hoc autem ad rem maxime impresentiarum pertinens, admonito opus est, quod vbi pecuniæ transmissio te vera non fit, sed fingitur, vasa est. Est, verbi gratia illustrium quispiam numis in Hispania egeos, conuenit mercatorem qui sibi mutuo auro succurrat, tenuit ille, offert tamen hic vti sibi in Flandria rependat.

Docu-
mentū.

Arbitrantur ergo mercatores & camplores, quibus nos est tanta suæ salutis cura (nam qui timoratae sunt conscientiae, non se huiusmodi imposturis contaminant) arbitrantur inquam huiusmodi contractus non esse illicitos. Aiunt enim, Ego qui hic pecuniam confero recepturus in Flandria illam cogito inde huc isti traducere, cuius idcirco pretium recipio, cum tamen te vera nobilis ille neque vllam habeat in Flandria pecuniam, neque huc eam somniet afferre, sed sic hic prouidere necessitati. Aiunt tamen camplores nihil sua referre, neque illis studium incumbere, an alij pecuniam habeant necne. At tamen nullo profero fuceo in crustare possunt cambia ista, quin sint manifeste vsuraria. Quoniam fundamentum iustitiæ huius contractus, de quo in presentia tractamus, non est aliud, quam quod te vera fiat pecuniæ transmissio, alias apertum est mutuum, atque adeo quidquid ultra sortem percipitur, extorquetur ratione temporis. Alius aut elypeus, quo se protegent, eo est iniquior, quo putant illo figmento omni scientem Deum fallere. Peiunt enim ab illis, qui pecuniam reci-

piunt, literas in Flandriam, qui quidem eas exhibent, diriguntque ad ipsos ministros eorumdem camplores, ac si illi pecuniam ipsorum nobilium haberent, qui quidem ministri tanquam eorum factores postea remittunt. Metinam sub nouo senore, cum tamen te vera eiusmodi cōfictæ missiones ac remissiones non nisi expectando tempore inferuiant, ac petinde exaugendo senori ad exuggendam debitorum substantiam: Et te vera si hæc non esset vltura, licet etiam quibuscumque priuatis qui nullam exercent negotiationem, neque alibi pecuniam habent eodem quoque modo contrahere. Nolo tibi mutuo, sed tamen numerabo tibi hic, vt tu mihi renuneres in Flandria tali pretio. Satis ergo homines ducant hominum illusores esse ne sint etiam Dei. Adde, quod pecuniæ transmissio esse debet non ad quencumque proximum locum, vt si a Metina ad alteram Metinam vel Toletum fingatur transmitti. Nam transmissio que fit intra regnum non est pretio digna, sed expectati temporis palliatio. De quo inferius latius. Ad primum arguitur argumentum, respondetur, quod in hoc genus cambio nullatenus iustitiæ æquitas violatur, redditur nanque pecuniæ eadem vel æqualis receptæ, sed pretium insuper traductionis. Ad secundum vero iam responsum est, non esse profero mutuum, immo maiorem habet depositi formam. Collocat enim iste pecuniam suam hic apud istum, vt eam vique ad alium locum deferat.

ARTICVLVS II.

Vtrum ratione temporis licitum sit cambij pretium.

Negativa responsio huius questionis satis est superiori libro demonstrata. Attamen nō modo quia in presentia dicendorum fundamentum est verum quia multi aliter sentire videntur, operæ pretium fuit, hic rursus in disputationem repetere. Arguitur ergo a parte affirmatiua. Dicitur est superiori libro, licere pro mutuo obligatione mercedem recipere, nam alia obligatio est æstimabilis pecunia, cambium autem ratione temporis nihil aliud est, quam quod-

dam genus mutui, quod apparet emolumentum afferre mercatoribus ipsis, atque adeo recipere pro illo publico munere licitum est, pretium. Accedit quod multos labores campfores infumunt, expensasque faciunt, & supra hæc omnia lucrum etiam eis cessat, quod ex illa pecunia mercaturam exercendo possent conquirere, ratione temporis, quo sua carent pecunia, aiquid percipere. In contrarium autem est definitio naturalis iuris, quam superiori libro monstrauimus, nempe aliquid pro usu pecunie ultra eius substantiam recipere usuram esse.

Responso, ut modo dicebam, non potest non esse omnibus receptissima ad partem negatiuam. Quare vnica his sufficiat conclusio, cambium ratione temporis nequam potest esse licitum, quippe quod manifestat habet rationem mutui, cuius ideo pretium apertam habet usuram iniquitatem. Quapropter demirandum est, doctores alias non infimi nominis huiusmodi cambia nõ reprobare, propter rationes, quas inter arguendum hac attulimus, videlicet propter labores, & sumptus, & lucrum cessans. Enimvero ut labores & sumptus in aliquam functionem impensi mercede digni existantur, perspicendum prius est an functio ipsa & negotium genere suo & obiecto iustitiæ munus sit, nam alias neque labores neque sumptus vlla digni sunt retributione, imò supplicio. Alio qui vniuersos usurarios haberemus excusatos. Equis enim illorum est, qui in sua exercenda arte labores non collocet & sumptus? Quin vero latrones ipsi publici nonne improbas latrocinij exercendis operas nauant? Igitur campfores cum mutuum indispensabili iure natura & diuino reprobetur, si ratione temporis ex mutuo aliquid percipiunt, nullos labores aut sumptus sibi præterere possunt, quorũ de causa mercedem recipiant. Sed aiunt artem esse reipublicæ necessariam, ob idque esse licitam. Ecce aliam fallaciam, prius enim ex natura rei perpendendum est, an negotiatio licita sit quam asseratur esse necessaria, nam quod natura sua non licet, ad nullum iustum finem esse potest necessarium peruersa ergo illatio est, dum per hoc quod res ab aliquibus iudicetur necessaria, inferatur esse licitam. Sed obtendi-

Argu. 1.
Cognitio
in sua.

Ad secũ
dũ arg.

Scrupulus.
Solutio.

